



職方典第一千五十六卷

建寧府部彙考四

建寧府山川考四

府志

政和縣

黃熊山縣治在其麓相傳有黃熊見此又其山如旆亦名文旆山東有大風西有望浙南有文筆北有湛盧四山之勝皆挹於此山間有白雲精舍俗名上天堂堂側有雲嶠井深廣不滿尺縱不能二尺許源出石竇不滿不溢萬曆中令車鳴時命從人遍酌至百五十瓢不能竭其湧大詭奇也 銅盤山在縣東三十里高數千仞胡仙姬嘗煉丹於此丹成上昇遺銅盤山上有欲持去者卽化爲石爐有飛昇巖下有龍井仙姬疑武夷山所稱胡氏女也 大風山在

縣東南十五里巖巒秀拔絕類廬山五老峯商周之世有趙元嶠者彭祖鼓師也受控鶴仙人丹訣於此修道嘗言不畏大風則大山可登後於此飛昇峯背有三巨跡號仙牛跡世傳皇太姥魏夫人嘗乘牛出焉石室左有觀音巖右有羅漢洞有泗洲禪僧石像上有寶勝庵 下

藥山山下石泉清甘冬溫夏冽陰陽家取以定銅壺刻數名定漏泉

金字山下有桃源處

士范公祠范公唐末人居此山之下純厚孝友教九子皆爲善人鄉邑有爭必往質焉聞其德言皆頓首謝去以上壽無疾卒

壽坑山其最高者天柱峯峯巔巨石數十仞狀如獅子曰

獅子巖巨石側立如人曰羅漢巖曰將軍巖皆數十仞又有屏風石葫蘆石又有石室可容數百人而獅子巖傍又有圓照庵庵前有聖水凡三石井一井外狹內廣深不可測舊傳神龍所居遇旱投以鐵石雷雨立至旁有泉清甘可飲昔見有雙牛鬪其傍者取石擊之牛奔入穴雷雨大作

池棟山巖壁峭聳橫截溪流如屋棟下有兩穴以泄東池之水

洞宮山道家

三十七福地也其山重疊九峯如蓮葉然謂之九蓮峯昔有魏虞二真人煉丹於此因號爲神化洞天九蓮峯峯下澗草多葢或曰弃餘丹所化其谷名洋謂其平衍若水洋洋矣洋谷之地銀沙出焉餘四五里夾岫如壁更迭起伏而皆迴拱九蓮峯下宋坑治司基址猶存自坑治司至西門嶺官道在焉自嶺右行奇峯峭拔沿澗多白鶴花其左右皆石壁上載喬松謂之翠屏峯自翠屏峯磬折而南岑樓巖屋巍然並立名東西二寶臺峯委曲而西山勢開豁有平田數

頃魏虞二真人宮在焉曰魏虞洞天宋黃幹書額旁有禪院亦名洞宮出山門南望有十奇焉遙見青石壇高三百六十尺如籩豆然者真人飛昇所也名仙人壇壇左右有二香山峯有蓮花石有石蟻巖有觀音有羅漢皆絕奇也壇東石笋插天而南爲絕壁上有五龕龕皆如鑿而闊皆三丈餘是爲真人煉丹室室南爲獅子巖其首圓大而怪高入雲中草樹叢生若拳毛倒披方竇橫開若口回顧獅子巖下五里灘有巨石如龜形名石龜坑此十奇矣按太姥山老子真經魏夫人棲真羅浮太霞洞宮四處則魏真人者魏夫人也 芝山巖間有石如龍下有

會仙菴

九蓬山其最高而葱翠雄峙者龍馬峯也宋末太學生蔣粹翁先世家此山之下

舍側有龍潭所養牝馬入潭而浴生駒焉龍首馬身狀如河圖父老語之曰此馬與龍媾瑞物也昔仲尼筆削六經而麒麟出今晦翁表章四書而龍馬生蓋其應乎粹翁先世聞之甚喜養馬殊謹後牧放林中竟失所在粹翁詩有千載聖人閩海出喜看龍馬亦騰驤之句 佛宇

山石上有紋成佛宇

滿月山山勢孤聳峯圓若滿月然顧思遠煉丹此山白日飛昇後樵

人入山見兩翁奕棋飛昇壇上並化鶴冲舉山下有南溟院有龍井蔣粹翁宋亾不出隱此山

之下

澗山一名望澗峯仙姬魚道超從武夷山中受控鶴山人丹訣修道此山時時登山候望控鶴仙人在澗東天台山華真仙師第七子也故名澗山矣山上有仙池宋末里民於此避范汝爲亂全活以數千人

南禪山峯巒秀異上有龍井

獎山其山峭壁入雲扳緣

石梯而上及至峯頂坳涇若曰中涵平田百餘畝唐僧元獎嘗遊焉曰此白象捲湖形也創菴其上遂名獎公庵元僧慧空復創菴於獎公東相去五十步慧空古田蘇氏子也初爲甌寧劉氏家童比長往依垢山堂又往浦城萬壽寺投禮清勤爲師後至獎公庵庵尼却之遂於庵東結茅慧空不悟性而急於成佛或教之焚身則佛可成乃於大德庚子七月望日入塔燒身仍自爲慧空菩薩之號命徒望像尊稱之又有東梅女子因旱鑿山成圳引水南注東梅之田遂爲沃饒鄉人卽圳上創庵像之山有觀音巖白牛巖石龍洞雙門洞葫蘆潭七聖潭皆勝境也慧空庵東十里絕巘上有吳公所築望海堂石梯巖下有普照庵

飛鳳山一名正拜山一

名黃華山上有英烈廟祀唐張謹謹以福建招討使擊黃巢於鐵山與其裨將郭榮死之政和人始祀謹稱張將軍宋時安福鄭樞密童時館於李母家嘗禱神及顯上蹟於朝進封侯爵成

化十年處州賊入境叅議陳勃按邑白晝夢神大聲曰賊不來公無恐賊退勃復修其廟

蓮花峯下有護國禪院宋朱松尉縣父退林公森來就養卒官舍時方臘亂道梗松權厝院西廡外後竟葬焉元末有儒士張以仁魏伯堅卜築峯下而國子助教謝坤知州孫蘊儒學訓導余應皆往從遊講論經史以二十年號山中五鳳後俱以文行知名而以仁伯堅石隱不仕御史高明立祠退林墓前曰敢賢以比孔氏之有正考父

蝦蟆峯宋時禱雨有應

黃嶺

在縣南八里嶺東之水入於海嶺西之水入星溪

逃奴嶺縣志云嶺名不知何義一名倒

爐舊傳詩云憶昔炎劉法網疎季生當醢刼備述至今猶號逃奴嶺簇簇人家誰姓朱蓋不知其義而借用季布事今按建安志漢梅福煉丹響山其徒陳先生常竊食之福怒持劍逐先生先生逃入浮玉洞乃捨之今洞名逃奴意陳先生經斯嶺矣

石柱巖方廣數丈高數十丈

上下大小不殊望若柱然

紫雲巖界閩浙間高插雲表諸山川一覽可盡有庵在巖右有

龍湫祈雨靈應

白巖祖山也山勢如屏而頂半衍明正統間土人避亂其上全活甚多於

今禱雨焉

棋枰巖秀拔如方几相傳魏虞二仙局巖於此

白鶴白狗二巖二巖與松



溪縣湛盧山連屬相傳魏虞二仙攜鶴與犬來遊巖南有萬松庵北有會龍庵皆在山頂極爲

清絕

南安巖有石室廣數丈中有馬仙祠馬仙見建安

奇巖地名石巖窠

硿坑

洞西據石壁之間其中寬廣邑人於此避寇

七星溪源出銅盤山經感化東衝長城三里

迤邐西流南會浴龍溪西會東平溪合於大溪入於建安東溪溪有七石若北斗

雙澗溪

源出西門嶺自東而西至赤巖寨口析而東流

石龜溪源出長嶺腰南至鐵山口入七星

溪 胡屯溪納黃嶺坑之水出池棟入七星溪

赤砂溪源出石豹坑自西流至於黃嶺

東十五里而會煖溪水經石門入於大溪

浴龍溪源出九蓬山北經考口入於七星溪

和溪源出西表嶺至放生潭析而東流入寧德縣界

東平溪發源獎山出常口受松溪之

水至西津會七星溪

東梅溪源出師姑圳入於松溪

放生池在縣考口溪側

山

表溪其源有六分爲二水西流入甌寧縣界

苦竹溪在縣北源出苦竹嶺自北而南有十

里灘

下園溪源出壽嶺而至蛟龍潭與李泮水合流入雙澗溪

松溪縣

湛盧山在縣南連亘東關杉溪二里及政和縣界山形峻峭雲霧浮凝唐拾遺記九域志並云此山爲湛王鑄劍之所爐冶遺跡及唐貞觀崖刻至今尙存又云歐冶子鑄湛盧之劍因以名山傍有劍池一清澈底宋元符己卯歲旱應禱邑令周公才祠焉鑿跡之日西南隅露出石洞冽泉隨湧桃花數片演漾而呈因名洞曰桃源朱退林葬政和文公祭掃祖墳往來茲邑時寓此山讀書書吟室二字今民家往往模字爲匾舊有精舍膳田久已湮廢明嘉靖間同知汪玩令黃金復立書院置田五十餘畝供祀

妙峯山左接大姥右聯花蕊峯巒稠疊宋紹興間

僧懷辯德雲結庵其上

誥屏山山勢秀聳有石如屏下有石砭舊立亭其上又名砭亭山

世傳有頭陀柯普者坐化於此又名柯亭山山下有洞深窅名石洞也中有流泉大旱不涸旁有修身巖

七峯山七峯連亘龍騰鳳舞有庵曰雲際元無垢禪師居之師俗氏凌古田人

自備松溪時時放牛山下一日遇異人曰石化石壁授以道術遂就雲際出家葷腥不茹常入市乞米暮必鬻肉還人疑而問之見師至中林一虎出迎飼肉騎歸大德戊戌結木塔於蓮花峯趺坐而逝鄉人收葬之北山光現林樾

東山舊名吳家山山有銀廿十餘處紹興末有



龍泉縣匠作過山下見廿氣盤結私入採煉隆興間立場瑞應設官掌之有林癸者任崇安擺鋪巡簡被命掌場既卒鄉人爲立廟旁有圓珠山一名珠林山癸建會春亭其下又有三巖曰瑞巖曰寶勝曰靈應瑞巖下有石室可容三四十人屋上有黑紋如畫叢篁之狀西邊有泉迸出下有石竇元邑人吳華居之華自幼不啖腥羶至元間弃家入巖修煉數日一二過食凡四十餘年巖旁時蔬有盜之者慮其跣而傷足每織屨懸樹間待之鬻蔬得錢輒以施貧子人病疫迎至靡不應驗夜趺坐蒲團山鬼滿前恬不怪也寶勝巖有石室前後有門相傳吳道者居此辟穀數年羽化靈應巖傳有柴胡二仙羽化於此上有石碁盤東有靈顯山西有虎頭石前有飛泉三級山巔有小竅常枯歲旱禱之得泉卽雨又其西有峯曰石牛山西北有吳十七郎者居之十七郎慶元人或云五代仕周爲諫議大夫歸居於此開闢田野募人耕種鄉人利之沒爲立祠曰吳土主

南屏山峯巒迴疊映翠凝嵐亘如屏矣巔有石狗石龜石佛石僧等像石牛石馬諸峯又名石林山也

萬山周迴五十餘里或謂山所產萬種或謂姓萬者居之

蹲獅山以形名由西北萬山而來盤迴起伏屹立縣北縣主山也舊傳有元索翁者修

真於此又名尊師山

石壁山縣南掛榜山也石壁峭立高數十丈下有龍潭潭上下皆石

灘淺甚潭居中獨深舊有龍出沒又名龍井

中峯山有中峯寺唐時伏虎禪師居之師法

名行儒謹律行邃理學唐景福元年創庵此山山有虎鄉人競逐師乃驅之出迎由是鄉人爲

寺焉旁有伏虎壇石跡猶存

丹霞山在豪田里有峯卓立如筆曰筆峯

王認山宋益

王昱由浙入閩經此賞其奇勝邑人因以名山有瀑龍井石門聚猿八景

筍竹山有石室

可容十數人傳聞異人在山中修行後乘雲而去遺壇猶在傍有石井石竇常乾旱禱若有泉

湧取瓶盛之泉竭卽雨

鸞峯山山勢峻拔延袤二百餘里南接龍泉北連南浦相傳有仙

人乘鸞翱遊其間上有古壇壇東有龍井可禱雨

白峯山舊有三仙憩此

皆望山歸

然峭拔可俯望環邑諸山

麒麟山在永寧山下有玉泉庵

白馬山上有仙巖庵中有

香臺又名仙壇

花蕊峯在東關里舒奇聳秀狀如花蕊故名

花巖巖石有五色雜紋

如花有馬仙祠前有三女井應旱禱後二大石如鼓如帽狀甚奇異

百丈巖舊傳馬仙於

此上昇峭壁間有馬蹄剪尺遺痕巖有三聖井又有石硿宛若陶成不容一物鄉人禱雨不至

投以木石滾出卽雨

獅子巖巖前有石室高丈餘廣五尺許室中有竅僅容側入

使

君巖舊志刺史王汝休嘗發兵收復此地因名

甌治洞相傳甌治子居此

香婆巖宋

嘉定間里人陳翁女自少不字鬻香爲業有剩香輒焚之巖下或依巖宿數日不食人以爲痴

唯李五郎嘗遇之一日鬻香還呼五郎比追至已化去矣因食其所遺飯亦化

龍津巖在

風屯牛皮灘巖上有龍津二字元趙孟頫所書

松源溪一名大溪源出浙之慶元縣松源

鄉經梓亭寨迤邐而下出關口渡合流抵政和縣西津接七星溪下建安東溪

平樂溪發

源瑞應場西北流又三十里出關口渡入大溪

松峽溪源出東關里鐵嶺至於關口渡

新坑溪源出慶元梓亭寨經皈伏里至新坑橋

直源溪源出花巖東流至縣南入大溪

渡頭溪源出筴竹山西流經永寧里入大溪

清泉溪源出筴竹山東北經永和里入大溪

杉溪源出上元南至杉溪橋

白石溪源出皆望山西流經官橋入大溪

雲溪源出慶

元獅子巖南流六十里至政和入大溪

龍居陂溉田千餘畝

廻沙在政平橋東放生

池上相傳廻沙成坂土人首薦宋時沙廻者四而李懌吳巖夫李扶葉元皆鄉薦居首

壽寧縣

鎮武山縣主山也山若人形秀甲一境故建縣據之在縣南者曰翠屏在縣東者曰叢珠在縣西者曰天馬 板仙山上有巖如石乳禱雨多應 高山在縣西南十里孤峯聳翠拔出

於群山之表

大蜀山在縣北八十里古號黑風洞中有銀坑

半月山在縣城中西隅

狀如半月

樵子尖山在縣城西三十里俗謂白鶴仙遺跡

基德八仙山在縣南九十

五里山巔有巨石方圓數丈存有碁盤仙跡

天池峯山巔有池清泚不竭元主簿徐元德

詩地靈特遣泉通石天近常流水滿池

石門在縣南溪村橫塞溪端鑿其中以通往來

鐵仙嶂三峯秀峙石林陰森仙人所居

蟾溪發源大蜀山下經縣東流至福安縣至於海

茗溪源出高山北流入於蟾溪

源底溪源出青竹嶺北流會際頭入蟾溪

南溪源出

紫翠巖迤邐流至福安入於海

平溪源出西表嶺

尤溪源出虎穿嶺下東流

丹

溪源出芹洋嶺下東流

九嶺溪源出大黍由芹洋東流上四溪俱入南溪

鐵梗溪源

出東山下會梅洲溪經東溪頭雙港至福安入海

上地溪源出百里林山下入楊州溪

漁溪源出立茂山下南流遶花嶺至福安縣入海

犀溪源出佛滌上東流入官田塲龍潭

溪至福安縣入海

龍潭溪與犀溪同源

禾溪源出牧童坂山下至溪口經福寧州入

海

龍井七所一在火燄坑一在鄭家洋一在鑛壘一在笏際一在大爐坑一在白巖後一

在廷家洋

水利附

本府

建安縣附郭

陂頭水衍陂溉田二百餘畝

官陂水衍陂溉田二百五十畝

孤池水衍陂溉田五十

畝

東山下陂溉田三頃二十餘畝俱在吉苑里

葉墩陂溉田二頃七十餘畝

南

源陂溉田一頃五十餘畝俱在建寧里

庵後陂溉田七十畝

石嶺塔陂溉田一頃八

十餘畝俱在順陽里

官陂溉田三頃六十餘畝

豬母橋陂溉田六十畝

交溪陂

溉田三頃五十餘畝

鄭屯陂溉田三頃七十餘畝

上范陂溉田五十五頃三十餘畝

以上俱在安泰里

西陂溉田五百餘畝

尼山葫蘆口陂溉田五頃三十餘畝上俱房

村上里 陳陂溉田一百餘畝 大垵陂溉田一頃五十餘畝 游陂溉田四十餘畝

上俱房村下里 曾頓陂溉田二百餘畝 雙溪陂溉田一十一頃五十餘畝 迪口

巨濟陂溉田五頃二十餘畝上俱泰溪內里 益源陂溉田八百餘畝 崩溪陂溉田八

百餘畝 楮樹山大陂溉田一千餘畝上俱將相里 上下二鄒坑陂即今南富陂

東粵陂頭陂溉田二百餘畝 小康村頭陂溉田二百餘畝 中村塘溉田八畝上俱泰

溪外里 謝馬橋陂即今駟馬橋陂 大百丈溪陂溉田四十餘畝 伯通橋陂溉田

五十餘畝上俱登仙里 大官陂溉田一十一頃七十餘畝 松菟下陂溉田七頃三十

餘畝 非後鄭墩陂溉田五十餘畝 陂頭大陂溉田七頃五十餘畝 大源陂溉田

四頃 塘谷陂溉田四頃五十餘畝 僉源陂溉田三頃四十餘畝 黃塘源陂溉田

一頃三十餘畝 魚溪連屯陂溉田二頃二十餘畝上俱川石里

甌寧縣

曹墩陂溉田二百餘畝 陳田陂溉田一百餘畝 黃墩陂溉田一百二十畝 玉陂



溉田一萬餘畝

余墩陂溉田一百七十餘畝上俱慈惠里

錢墩古陂溉田三頃有奇

在梅岐里

黃竹壘陂溉田一百餘畝在麻溪里

峽頭陂溉田三千餘畝

嶺下墩

溉田二頃

程墩官陂溉田五頃七十畝俱禾義里

烏石陂溉田二千餘畝

南山

陂溉田二萬七十餘畝

翁陂溉田五百餘畝

楮澣街尾前陂溉田二百餘畝以上俱

在禾吉里

塘子陂溉田九頃七十餘畝

橫山鋪前陂溉田五頃二十餘畝

埂頭

陂溉田一頃五十餘畝上俱崇安里

黃墩陂溉田二百二十餘畝

東江石壁岩陂溉

田三百三十餘畝上俱在紫溪里

橫坑陂溉田八十餘畝

前嵐岩下陂溉田二百一

十三畝

大曆石壁陂溉田三十畝

際上角岩陂溉田三十八畝

上乾溪陂上俱

在西鄉里

小夫陂溉田八百餘畝

張墩港口陂溉田四百餘畝

交溪陂溉田三

百五十餘畝上俱吉陽里

建陽縣

月陂溉田三頃三十畝

谷陂溉田一頃三畝有奇

黃陂溉田二頃九十三畝興賢下

永忠二里亦有黃陂興下漑田二百七十畝有奇永忠漑田五頃五十畝 寨陂漑田一頃

九十三畝 油陂漑田一十一頃五十三畝有奇以上俱在同由里 漳陂漑田一十頃

有奇 梁家陂漑田五頃有奇 彭墩陂漑田三頃上俱在崇仁里 官陂漑田二頃

四十畝在崇文里 龍尾陂漑田一頃三畝 洪山陂漑田四十三畝 龍潭陂漑田

六十一畝 橫溪陂漑田一頃一十三畝以上俱在洛田里 千石陂漑田六頃 清

潭陂漑田一十頃俱在建忠里 石崇陂漑田七十二畝在三衢里 洋獅陂漑田三頃

三十三畝有奇 渚陂漑田七十六畝有奇 朱陂漑田五頃四十二畝有奇以上俱在

崇泰里 白山陂漑田六十六畝有奇 溪子陂漑田三十四畝 永昌陂漑田六十

六畝有奇 狀元陂漑田六頃俱在崇化里 范橋陂漑田一頃七十畝 江陂漑田

一十六頃 晨頭陂漑田一頃上俱永忠里 石碁陂漑田二頃六十五畝 松頭陂

漑田一頃九十五畝 鼻陂漑田四頃八十五畝 村師陂漑田二頃九十七畝有奇以

上俱在禾平里 塘頭陂漑田八畝二分五釐 三穴陂漑田一十九畝有奇在嘉禾里

光後陂溉田二頃二畝在興賢上里

古陂溉田五頃九畝有奇

陳陂溉田六頃三十

三畝有奇上俱興賢中里

蕭陂溉田一頃八畝在興賢下里

崇安縣

陳灣陂宋趙清獻公開在縣治

東岸豺鼠陂溉田一千餘畝

長興陂溉田三千餘畝

螺螄陂溉田二千餘畝

分陂溉田一千餘畝

際源陂溉田二千餘畝

隆興陂溉

田二千餘畝

建平官陂溉田一千餘畝

岑陂溉田三千餘畝

黃石陂溉田三千

餘畝

師姑陂溉田三千餘畝

官陂溉田一千餘畝

烏龍陂溉田五千餘畝

黃龍陂溉田數萬畝

郭窠官陂溉田一千餘畝在東鄉

新陽陂溉田四千餘畝

高蘇陂溉田三千餘畝

將村藍源烏龍陂溉田一千餘畝

興田龍山陂溉田一千餘

畝

彭墩陂溉田三千餘畝

節和金沙陂溉田三千餘畝

友陂溉田三千餘畝在

南鄉

乾溪陂溉田一千餘畝

岩頭陂溉田一百餘畝

東村陂溉田五百餘畝

楊莊陂溉田五百餘畝

池上陂溉田三百餘畝

上州陂溉田一百餘畝

門前洲